

**IN FESTO  
ASCENSIONIS CHRISTI  
ORATIO HABITA IN  
BASILICA  
LATERANENSIS AD...**

---

Annibale : degli Abati Olivieri Giordani,  
Bartolomeo : da#Roma, ...



## BEATISSIME PATER



*I de tuâ in me , Bea-  
tissime Pater , cle-  
mentiâ dubitarem ,  
multis à te verbis pe-  
terem , ne mihi suc-  
censeret , quod tenue hoc , & minùs  
dignum tua majestate munusculum*

*tibi audeam offerre . Verùm quum  
 tanta sit singularis , ac propè incre-  
 dibilis humanitas tua , quã eos , quos  
 Pontificia Majestas deterret , mirum  
 in modum allicis , non sum veritus  
 hanc , quam coram te habiturus sum  
 Orationem ; tuo nomini nuncupare ;  
 Quin etiam vehementer gaudeo op-  
 portunitatem mihi oblatam illius ex-  
 periundæ , meum hoc officium non  
 ingratum tibi fore confidens . Profe-  
 ctò nemo umquam , Sanctissime Pa-  
 ter , satis tuam poterit pro dignitate  
 laudare Comitatem , qua omnes  
 complecteris , quæque reliquas di-  
 gnas summo Ecclesiæ Principe animi  
 tui dotes clariores longe reddit , &  
 illustriores . Neque mihi in animo  
 est plurima illa , eaque præclara ,*

qui-

quibus excellis, decora hic singilla-  
 tim cumulare; Neque memorare ve-  
 tustissimi generis claritatem, & in-  
 tegerrimam vitæ rationem ab ineun-  
 te ætate susceptam, constanterque  
 per omnes vitæ, ac dignitatum gra-  
 dus piè, sanctèque servatam: aut  
 eximiam in occultis ac penitus abdi-  
 tis Divinitatis Mysteriis feliciter in-  
 vestigandis efferre scientiam. Mitto  
 ea, quæ Pontifex Maximus in dies  
 edis splendidissima virtutum, & ope-  
 rum exempla. Mitto amplissimum  
 Pauperum levamini Xenodochium  
 in Urbe extructum: Divinum hono-  
 rem, Sanctorum Cultum egregiè pro-  
 pagatum: Orthodoxam Religionem  
 provectam: Veterem Ecclesiæ disci-  
 plinam vindicatam. Mitto denique

reliqua , omnium ore celebrata , quæ  
me dicendo persequi summa animi  
tui moderatio non ferret . Singularem  
nihilominus humanitatem tuam ex-  
tollere non desinam , quæ quò rarior  
in summa potestate solet esse , eò ma-  
joribus habetur digna præconiis .  
Hæc mihi spem facit , Beatissime Pa-  
ter , Te quaecumque nunc offero  
demissæ in te meæ observantiæ argu-  
mentum , non alieno animo exceptu-  
rum . Id ut consequar etiam , atque  
etiam obtestor . Tanto enim cumula-  
tus beneficio amplissimum laboris  
fructum meretuisse arbitrabor .

ORA-



# ORATIO.



**Q**uod erat optandum  
 maximè , Beatissime  
 Pater ; ut vnigenitus  
 Dei Filius absoluto  
 Redemptionis opere ,  
 claritate, quam habuit, *Joan. 17.*  
 antequam Mundus fieret , illustris ,  
 hominibus ostenderetur ; & quod unum  
 ad Turbatos Christi Discipulos , qui & de

*S. Leo serm.  
1. de Ascens.*

exitu Crucis fuerant trepidi, & de Resurrectionis fide ambigui, veritate perspicua roborandos pertinebat : id Ecclesia Nobis hodierna proponit solennitate recolendum. Decuit enim post tot, tantosque mærores, quibus in amarissima Servatoris nostri Passione confecti fuimus, post acceptam in gloriosa illius Resurrectione immortalitatis spem, Ascensionis tandem

*Constantin.  
apud Euseb.  
lib. 3. de vit.  
cap. 18.*

*S. Aug. hom.  
2. in Ascens.*

*S. Leo serm. 2.  
de Ascens.*

*S. Jo. Chryf.  
hom. in Ascens.*

Dominicæ, quæ verè nostra est glorificatio, celebrari mysteria. Hæc est tantæ causæ festivitatis : Hæc præsentium materia gaudiorum. Hodie enim humanum genus reconciliatum est Deo, hodie diuturna simultas, longumque illud bellum dissolutum est, hodie qui terrâ ipsâ videbamur indigni ad Supernum, ac Cæleste Regnum ascendimus, & cum capite nostro Christo, tamquam membra ejusdem corporis regalem sedem occupamus. Exultemus igitur in Domino, & immolantes Deo sacrificium

*Psal. 80.  
Psal. 49.*

*D. Thom.  
par. 3. summ.  
quæst. 57. ar.  
1. & 6.*

laudis de nostrâ nobis sorte gratulemur. Ascendit enim Christus, ut fides nostra,

sum-



summoto ab oculis mysterio excel-  
 lentior esset, & firmior. Ascendit, ut hu-  
 manâ naturâ in Cælum assumptâ, spem  
 illuc perveniendi nobis augeret. Ascendit  
 ut caritatis affectum in Cælestia erigeret,  
 & quæ sursum sunt sapere, quæ sursum sunt  
 doceret quærere. Ascendit ut illò nobis  
 panderet iter, ibique pararet locum: ut  
 ubi ipse est, & nos essemus: ut pro nobis  
 ad Deum interpellans nos inde tueretur, ac  
 protegeret: ut in Cælorum sede Dominus  
 constitutus Divina hominibus dona largi-  
 retur. Dona Sancti Spiritus, quibus Apo-  
 stolorum, & Discipulorum corda superno  
 igne conflagrarent: mentes divino lumine  
 illustrarentur, & Cælestium unctione Cha-  
 rismatum ipsis sermo sapientiæ, ac scien-  
 tiæ, operatio virtutum, discretio spiri-  
 tuum, genera linguarum dispensarentur;  
 dona sanè amplissima, quibus nos quoque  
 cumulati sumus ad mensuram donationis  
 Christi; quibus excusso veteris servitutis  
 iugo non solum Paradisi possessores firmati  
 sumus,

*S. Leo serm. 2.  
de Ascens.*

*Ad Coloss. 3.*

*Mich. 2.*

*Joan. 4.*

*S. Aug. hom.  
1. de Ascens.*

*I. Cor. 12.*

*Ephes. 4.*

*S. Leo serm. 1.  
de Ascens.*

sumus, verum etiam Cælorum in Christo  
superna penetra vimus

Quæ cum ita sint, & tantis hodie fuerimus  
beneficiis affecti, faustum, fortunatumque  
Servatoris nostri triumphum, ex quo nobis ea  
fluxerunt, intueamur. Intueamur illum Dæmonis  
eversa tyrannide, contritis æreis inferni portis,  
vestibusque ferreis confractis, devictæ mortis spoliis  
onustum Cælos propria virtute superantem.  
Intueamur justos, & Sanctos Patres, quos ipse  
in tenebris, & in umbra mortis sedentes,  
vinculis solutos, in æternam Majestatis suæ  
gloriam evexit. Intueamur plaudentia Angelorum  
Agmina, Canticisque triumphalibus redeunti  
Domino occurrentia.

Sed jam nubes suscepit eum ab oculis nostris;  
jam triumphum Victoriæ, quam reportaverat a  
mortuis, intulit Cælis; jam ineffabilis ipsius  
exinanitio ad pristinæ altitudinis rediit  
majestatem; jam super omnem Cæli militiam,  
super omnes

Ange-

*Clem. XI.  
hom. 3.*

*Psal. 106.*

*Clem. XI.  
hom. 9.*

*Psal. 106.  
v. 67.*

*S. Aug. hom.  
5. de Ascens.*

*Act. 1.*

*S. Leo serm. 2.  
de Ascens.*

*S. Cyprian.  
serm. de Resur.  
sion. Dom.*

*S. Leo serm. 2.  
de Ascens.*

Angelorum Ordines ad Dei Patris confes-  
sum accessit.

Nos interea tanti diei memoriam reco-  
lentes, obstupentium more Discipulorum, *Mat. 1.*  
quid stamus adspicientes in Cælum? Imi-  
temur eos potius, qui à conspectu cælestis  
gloriæ hujus ingenti cum lætitiâ reverte- *Luc. 24.*  
bantur. Exulemus in Domino, & Sa- *Clem. XI.*  
crum hunc diem alacri, & læto animo *hom. 2.*  
celebremus. Sed ut gaudium nostrum  
sit perfectè, omnique ex parte absolutum, *S. Jo. Gre-*  
quem corpore ascendentem adspeximus, *gor. hom. 29.*  
corde prosequamur; atque illius vestigia *in Evang.*  
sectantes curramus in odorem unguento- *Cantic. 1.*  
rum suorum. Curramus fidei gressibus, *S. Leo serm. 8.*  
misericordiæ operibus, amore veritatis. *de Pass. Dom.*  
Ascendamus & nos cum illo in affectu *S. Aug. in*  
bono in Fide vivâ, in spe firmâ, in *Psal. 120.*  
Caritate non fictâ, in desiderio perpetu-  
itatis & vitæ æternæ, & veteri homine  
deposito cogitationes nostras, mentem  
denique omnem, in Cælis, ubi Patrem *S. Gregor.*  
habemus figamus, ut Sanctæ ejus Ascen- *hom. 29. in*  
fionis *Evang.*

fionis inreamur esse participes, quæ aditum nobis de Regione umbræ mortis, ad terram repromissionis aperuit.

